

GARDENTASUNAREN ¹ EGOERA

GASTEIZKO UDALAREN PUBLIZITATE AKTIBOAREN ETA INFORMAZIO
PUBLIKORAKO SARBIDEAREN ARLOKO BETEBEHARRAK BETETZEARI
BURUZKO TXOSTENA - 2020KO EKITALDIA

GARDENTASUNAREN ETA EDUKIEN ATALA
2021EKO APIRILA





AURKIBIDEA

1. Sarrera	3. or.
1.1 Lege- eta arau-esparrua.....	3. or.
1.2 Txostenari buruz.....	3. or.
2. Publizitate aktiboa	4. or.
2.1 Printzipio orokorrak	4. or.
2.2 Gardentasun-atariaren egitura.....	4. or.
2.3 Analisia, betebeharrak bete diren	5. or.
2.3.1 Erakundeari, antolakuntzari eta plangintzari buruzko informazioa	6. or.
2.3.2 Garrantzi juridiko-normatiboko informazioa.....	6. or.
2.3.3 Informazio ekonomikoa, aurrekontuei buruzkoa eta estatistikoa	7. or.
2.3.4 Langileei buruzko informazioa	7. or.
2.3.5 Politika publiko lokalei eta zerbitzu-zorroari buruzko informazioa.....	7. or.
2.3.6 Beste zenbait kontu	8. or.
2.4 Udal erakunde autonomo eta enpresak.....	8. or.
3. Informazio publikoa eskuratzea	9. or.
3.1 Prozedura eta estatistikak.....	9. or.
4. Gardentasun-atarira egindako bisitak	11 or.
4.1 Bisitak, noradoaznirezergak atalera	12. or.
5. Ondorioak	14 or.
<u>I. ERANSKINA - Lege-betekizunak direla eta identifikatutako itemak</u>	16. or.
<u>II. ERANSKINA - Gardentasun-atariko itemen zerrenda</u>	21. or.
<u>ERANSKIN GRAFIKOA – Betebeharren betetze-maila</u>	25. or.



01

Sarrera

Euskadiko Toki Erakundeei buruzko 2/2016 Legearen 66. artikulua betetze aldera, **Gasteizko Udalaren publizitate aktiboaren eta informazio publikorako sarbidearen inguruko betebeharren betetze-mailari buruzko txostena** aurkezten da, 2020. urteari dagokiona.

2020ko ekitaldia ez zen arrunta izan; aitzitik, pandemia-egoeran suertatu zelarrik, aldi batez etxean konfinatuta egon behar izan genuen, eta, horrenbestez, udal-jardueraren parte handi bat telelanaren bitartez egin zen, eta, herritarrei arreta emateari dagokionez, hitzordu-sistema ezarri behar izan zen. Nolanahi ere, ohiko informazio-bide guztiak irekita mantendu ziren, eta, zenbait atzerapen gorabehera, herritarren eskura mantendu zen udal informazioa.

1.1 Lege- eta arau-esparrua

Oinarrizko bi arautan daude finkatuta dokumentu honetan hizpide ditugun **betebeharrak**, beste legegintza-ingurune batzuetan ageri diren —eta era berean Udalarari aplikatzekoak diren— gardentasunaren arloko beste batzuk gorabehera:

- **19/2013 Legea, abenduaren 9koa, gardentasunari, informazio publikoa eskuratzeari eta gobernu onari buruzkoa** (2013ko abenduaren 10eko BOE, 295 zk.).
- **2/2016 Legea, apirilaren 7koa, Euskadiko Toki Erakundeei buruzkoa** (2016ko apirilaren 14ko EHAA, 70. zk.)

Sailen, erakunde autonomoen eta udal enpresen arteko koordinazio-lana egin zezan, Herritarrentzako Arretaren eta Gardentasunaren Zerbitzuko Gardentasunaren eta Edukien Atalaren gain utzi zituen zeregin horiek Gasteizko Udalak, efizientziaren eta gastu publikoaren arloko aurrezpenaren inguruko irizpideak oinarritzat hartuta. Horrenbestez, atal horrek egin du txosten hau.

1.2 Txosten honi buruz

Bi legeek publizitate aktiboa nahitaezkoa dela dioten alderdi nagusiak aurkezten ditugu txosten honetan, atalez atal, eta Udalak betebeharrak hori zenbateraino betetzen duen adierazten. Gainera, informazio publikorako sarbidea izateko eskabideen berri ematen da beste atal batean, eta gardentasun-atariko edukietara egindako bisiten inguruko datu estatistikoak jasotzen. Dokumentuaren bukaeran, eranskin gisa, betetze-mailari buruzko datu kuantitatiboak eta berariazko lege-erreferentziak jaso dira.



Publizitate aktiboa

2.1 Printzipio orokorrak

19/2013 Legearen 5. artikuluan eta 2/2016 Legearen 50. artikuluan daude jasota legez horretara behartuta dauden subjektuen publizitate aktiboa gidatu behar duten printzipio orokorrak. Gasteizko Udalak printzipio horiek betetzen ditu, ondoren adierazten dugun moduan bete ere:

- **Irisgarritasuna:** Udalaren webguneak —eta, beraz, bertako eduki guztiek— W3Cren Web Accesibility Initiative-k (WAI) **WCAG 2.0 arauetako AA mailarako definitutako jarraibideak betetzen ditu**, baita nazioarteko hainbat estandar teknologiko ere, eta, horrez gain, informazioaren irisgarritasuna bermatzeko software-laguntza teknikoak ditu.
- **Elebitasuna:** webgunean herritarren eskura jartzen den informazioa **formatu elebidunean** dago gehienbat, erakundeak nahitaez bete beharreko indizetik gora —% 95 ingurukoa da portzentajea html orrien kasuan—.
- **Hizkera inklusiboaren erabilera: hizkuntzaren erabilera ez-sexistari** dagokionez ezarritako baldintzak betetzen dituzte edukiek, baita **Udalaren zeharkako hainbat planetan finkatutako bestelako irizpideak** ere —Bizikidetza eta Aniztasun Planeko irizpideak aplikatzen dira edukietan—.
- **Eguneratua, argia: eskuratu orduko eguneratzen da informazioa**, zein sailek berek ateratzen baitute zuzenean kudeaketa-aplikazioetatik **zorrotasunez**. Horiek **automatikoago** bihurtzeko lan egiten da, eta, aldi berean, informazioa argiagoa izan dadin, webguneko edukirik konplexuenak **errazago ulertzerik** izan dezaten herritarrek.
- **Berrerabilitzea eta elkarreragingarritasuna:** Open Data atarian argitaratutako fitxategien ekitaldi bukaerako kopurua 591koa da (177 datu-multzo).

Txosten honetan, Udalak publizitate aktiboaren arloan dituen betebeharrak nola betetzen diren adierazi ahala, orobat adieraziko dugu printzipio orokor horiek zein puntutan betetzen diren eta zeinetan ez.

2.2 Gardentasun-atariaren egitura

2020ko bukaera eta 2021eko hasieran, [Udalaren Gardentasunaren eta Gobernu Irekiaren Atariaren](#) egitura eta itxura aldatu dira, ingurune dinamikoago, modernoago eta antolatuago baten alde eginez. Aldaketa horren ondorioz, ataria egituratzen duten atalen planteamendu berria egin da, publizitate aktiboaren eta gardentasunaren eskakizunak webgune orokorraren edukietan txertatze aldera, eta atari hori eduki horietara sartzeko bitartekoa baino izan ez dadin. Zehazki, 2020an, gardentasunaren esparrurako berariazko edukiak ezabatzeari ekin genion, aurreko urteetan sortutako espazio asko webgunearen egitura orokorraren barruan sartzeko. Adibide



batekin esateko: gardentasun-baldintzak betetze aldera udal-antolakuntzari buruzko eduki bat sortzen badugu, eta horren inguruan webgunean lehendik zegoen edukian jasota ez zeuden informazio-itemak gehitzen badizkiogu, item horiek lehendik zegoen edukian sartzen dihardugu gaur egun, bikoiztasunak ekiditeko. Edukien arteko integrazio eta interakzio handiagoa lortzeko asmoz webgunearen eta datu irekien atariaren inguruan egindako beste planteamendu espezi-fikoago batzuekin batera doa aurrera berrikuntza-prozesu hori, Udalaren webguneko nabigazioa eta informazio-argitasuna hobetzea helburu. 2019-2023 aldia da berrantolaketa hori buruzko denbora-esparrua.

Publizitate aktiboaren irizpideei, informazio publikoa eskuratzeko eskubideari eta Gobernu Irekiaren beste ekimen batzuei erantzuten dieten zortzi atal nagusietara ematen du sarbidea atariaren egungo egiturak.

- **Antolakuntza eta plangintza:** alde batetik, antolakuntza politikoa eta administratiboa, eta bestetik, berriz, plangintzaren et kontu-ematearen inguruko informazioa.
- **Ekonomia eta aurrekontuak:** hitzarmenei, dirulaguntzei, aurrekontuei, kostuei, ta-sei eta zergei buruzko informazioa.
- **Kontratazioak eta ondarea:** kontratuen gaineko estatistikak eta inbentarioari buruzko informazioa.
- **Gardentasuna, gaika:** udal kudeaketaren hainbat arlori, izapideei eta zerbitzuei buruzko informazio eskuratzeko sarbidea.
- **Udal araudia:** udal araudi guztia jasotzen duen berariazko orria.
- **Open Data - Datu irekiak:** datu irekien atarirako zuzeneko sarbidea.
- **Informazio publikoa eskuratzeko eskubidea:** eskubide hori baliatzeko moduari buruzko informazioa, eta jarraipenaren estatistikak.
- **Herritarren partaidetza:** partaidetzaren atalerako sarbidea.

Gardentasunaren eta Gobernu Irekiaren Atariaren testuinguru-menuan, baita azaleko karruselean ere, beste espazio batzuetara jotzeko zuzeneko sarbideak daude, hala nola “Nora doaz nire zergak” plataformara —udal aurrekontuak azaltzen dira bertan, formatu grafikoan—, 2019-2023 Planeko kontu-emateko plataformara eta beste proiektu estrategiko batzuetara —Gasteiz Green Deal, 2030 Agenda edo beste—. Gainera, erakunde autonomoen eta udal enpresen gardentasun-dukietarako eta beste eduki interesgarri batzuetarako sarbideak mantentzen dira. Koronabirusari buruzko berariazko hainbat espazio sortu dira 2020an webgunean, eta atari horretatik sarbidea ematen da Orain Gasteiz Planeko informaziora, hiria berreskuratzearen aldeko apustua egiten delarik, baita covid-19ak hirian duen eraginaren jarraipen grafikoa egitea ahalbidetzen duen edukira ere.

Azkenik, mantendu egin da “Azken berriak” atala, bertan ematen baita atariaren eguneratze garrantzitsuenei buruzko informazioa. 2020an 92 abisu argitaratu ziren albiste-dukiontzari horretan (2019an baino 8 gutxiago, baina 2018an baino 27 gehiago).

2.3 Analisia, betebeharrak bete diren

Publizitate aktiboaren betebeharrak bete diren jakiteko, **52 item identifikatu dira, guztira** (ikus I. eranskina). Sei ataletan bildu dira, aztertzeko:



- 2.3.1 Erakundeari, antolakuntzari eta planifikazioari buruzko informazioa
- 2.3.2 Garrantzi juridiko-normatiboko informazioa
- 2.3.3 Informazio ekonomikoa, aurrekontuen ingurukoa eta estatistikoa
- 2.3.4 Langileei buruzko informazioa
- 2.3.5 Politika publiko lokalei eta zerbitzu-zorroari buruzko informazioa
- 2.3.6 Beste zenbait alderdi

2.3.1 Erakundeari, antolakuntzari eta plangintzari buruzko informazioa

Kapitulu honetako betebeharreri erantzuteko, [Antolakuntza eta plangintza](#) atala du Gasteizko Udalaren gardentasun-atariak. Galdatutako informazio-item nagusiak biltzen dira bi atal horietan. Txosten hau bukatzeko orduan, datuak eguneratuta daude, nahiz eta ohartarazpen hauek egin beharrean gauden:

- 2020an, alkatearen eta zinegotzien **dedikazio-erregimena** ordainsarien artxiboetan agertu zen, ez informazio-unitate propio bezala. 2021eko lehen hiruhilekoan, Gardentasun Kontseiluaren gomendioak aintzat harturik, **modu espezifikoan txertatu da informazio hori**, artxibo bereizi batean —aldian-aldian eguneratuko da—.
- **Zuzendaritza-langileen curriculum vitaeak mantentzen dira**, nahiz eta **lanpostu horietan jarduteko eskatzen den profilari buruzko informazioa eman gabe** jarraitzen den, esan nahi baitu 2/2006 Legean ezarritako betebeharren parte bat baino ez dela betetzen.

Plangintzari buruzko informazioari dagokionez, **2019-2023 Gobernu Plana argitaratzen da, eta kontu-emateko plataforma. Urteko plan eta programei** dagokienez, eta agintaldiko ardatz estrategikoen ildotik, pandemiaren ondorioz abiarazitako Orain Gasteiz Planerako espazio bat sortu zen 2020an —horren kontu ere ematen da, agintaldiko planaren metodologia berean oinarrituta—, beste bat Gasteiz Green Deal hitzarmenaren inguruko informazioa emateko, eta hirugarren bat garapen iraunkorreko helburuei eta 2030 Agendari buruzko informazioa biltzeko.

Informazioa elebiduna da, gaztelania hutsez dauden zenbait fitxategi erantsi salbu, eta **genero-berdintasunaren markoa errespetatzen da**. Informazio eguneratua da, egiazkoa, ez oso konplexua, eta irisgarritasun unibertsalaren estandarrak betetzen ditu —bai html edukiak, bai pdf artxiboek—. I. eranskinean jasota dago atal honetan identifikatutako itemen zerrenda.

2.3.2 Garrantzi juridiko-normatiboko informazioa

Bi artikulu hauetan aztertzen diren informazio-itemak Udalaren webguneko **hainbat lekutan ageri dira**, eta Gardentasun-atariko hainbat estekek eramatzen dute horietara. Besteak beste, honako hauetan: udal araudien orrian, herritarren partaidetzaren ingurukoetan, aurrekontuei buruzkoetan... Identifikatutako itemei erreparatuz gero (ikus eranskina), hauek dira **argitaratzen ez ditugunak** (2019ko berberak):

- **Udal organoek hartutako erabakiak, zuzenbidea interpretatzea dakartenak** nahiz ondorio juridikoak dituztenak.



- Araudiak lantzeko dossierretako oroitidazki eta txostenak; bereziki, uztailaren 3ko 1083/2009 Errege Dekretuan araututako **eragin normatiboaren analisiaren oroitidazkia**.
- **Urteko araugintza-plana**, hurrengo urtean onesteko aurkeztuko diren arautze-ekimenak jasotzen dituen.

2.3.3 Informazio ekonomikoa, aurrekontuei buruzkoa eta estatistikoa

I. eranskinean **zerrendatzen diren itemak** —informazio ekonomikoa, kontratazioei buruzkoa, aurrekontuei buruzkoa eta estatistikoa— **modu proaktiboan eskaintzen dira, bai gardentasun-atariaren bidez, bai datu irekien atariaren bidez —kontratu-zerrenden edo aurrekontuen kasuan—. Prozedura-kontuei zor zaizkienak izan ezik** —ezin dira aurrekontu-adierazleak kalkulatu aurrekontua erabat itxi arte—, gainerako guztiak argitaratuta daude.

Atal honetako itemei gagozkielarik, hauetan **ez dira betetzen**:

- **Udalaren ondasun-inbentarioa**, 2015eko datuak ageri baitira.
- **Ez betetzeagatik jarritako zigorrak**, 2019ko datuak ageri baitira.
- **Hornitzaileen zerrenda**, 2018ko datuak ageri baitira.

2.3.4 Langileei buruzko informazioa

Langileei dagokienez, Udalaren webguneko administrazio-antolakuntzaren atalean jarritako **esteken bitartez betetzen dira** publizitate aktiboaren arloko betebeharrak, eta beste zenbait espaziotakoen bitartez, hala nola www.vitoria-gasteiz.org/hautatze-prozesuak edo [Udalaren enplegu-eskaintza](#), 'Tramiteak eta udal gobernu' fitxan. Egiteke dauden **hobekuntzen zerrendan, indarrean jarraitzen du 2019an egindako proposamenak, zein baita lanpostuen zerrenda ulertzeko aukera emango duen koadro sinoptiko bat argitaratzea**. Terminoen eta laburtzapenen glosario bat argitaratzen da, baina informazioa argiago eman liteke.

2.3.5 Politika publiko lokalei eta zerbitzu-zorroari buruzko informazioa

Kasu honetan, legean finkatutako publizitate aktiboaren arloko betebeharrei erantzungo liekeen **informazioa** ez dago berariaz leku bakar batean bilduta, baizik eta Udalaren webgunean **sakabanatutago**, nahiz eta hasieran azaldu den atariaren egituraren berrantolaketak 'Gardentasuna, gaika' epigrafean biltzea ekarri duen. Funtsean betetzen dira legean finkatutako betebeharrak. Kasu guztietan, informazioa bi hizkuntza ofizialetan dago —kostu-azterketak osatzen dituzten artxibo erantsiak izan ezik—, irisgarritasun-betekizunak betetzen dira, eta genero-ikuspegia aintzat hartzen duen hizkeraren inguruko udal politika errespetatzen.

Aurreko urteetan bezala, Udalaren **kalitate-politikari** eta aipatutako **zerbitzuen katalogoaren proiektuari buruzko informazio eguneraturik ez izatea** da gabezia nagusia.



2.3.6 Beste zenbait kontu

“Beste zenbait kontu” izeneko epigrafean (ikus I. eranskina), **gardentasun-atari bat du** Gasteizko Udalak, eta herritarrentzat interes orokorrekoak diren informazioak argitaratzen ditu. Gainera, **herritarren arretarako eta partaidetzarako bideen berri ematen da**, eta webgunera sartzen diren pertsonak **edukietatik bertatik** —erabilgarritasunari buruzko iritzia emanez— **edo herritarren postontziaren bidez** —herritarrekiko elkarriketa-tresna nagusia— **esku har dezakete**.

Bestalde, 2/2016 Legearen 49. artikuluan xedatutakoaren ildotik, webgune bat mantentzen du Udalak —<http://elkarteak.info>—, **Gasteizko elkarte-mugimenduko entitate pribatuek espazio bat izan dezaten gardentasunaren arloko beren argitalpenetarako**, horretara behartuta baitaude laguntza eta dirulaguntza publikoak jasotzen dituztelarik.

2.4 Udal erakunde autonomo eta enpresak

Udalaren **erakunde autonomoek** —[Ingurugiro Gaietarako Ikastegia](#), [Luis Aranburu Musika Eskola](#) eta [José Uruñuela Dantza Kontserbatorioa](#)— **atal propioa dute Gardentasun Atarian**, eta, bertara bideratzen duen esteka jarrita dago Udalaren webgunean bakoitzak duen orrian. Atal horretan ematen den informazioak, funtsean, webgune orokorreko eskema berari jarraitzen dio, baina hainbat informazio-item orokorrean integratuta daude, hala nola aurrekontuei edo goikarguen ordainsariei buruzko informazioa.

Erakunde autonomoen kasuan, **oro har informazioa eguneratuta ageri da, eta formatu elebidunetan** edo euskarazko bertsioarekin. Aurrekontuei buruzko informazioa eguneratuta dago. Aurrekontuarekin hertsiki lotuta ez dauden hainbat konturi dagokienez, erakunde bakoitzaren jardueraren arabera daude eguneratuta datuak —esaterako, IGIren hornitzaileen zerrendak edo jasotako dirulaguntzak berrikusi beharko lirateke, baita kontserbatorioko edo musika-eskolako ordainsariak ere—.

Udal-enpresen kasuan —[TUVISA](#), [AMVISA](#) eta [21 Zabalgunea](#)—, erakunde autonomoen kasuan adierazitakoaren **antzekoa da eguneratze-maila**, nahiz eta TUVISAk ez duen eguneratuta urteko kontuei buruzko informazioa (azken datua 2016koa da), ezta hornitzaileen zerrendak ere (2019ko datuak).



Informazio publikoa eskuratzea


3.1 Prozedura eta estatistikak

19/2013 Legearen III. kapituluaren arautzen da **informazio publikoa eskuratzeko eskubidea, gardentasunaren beste dimentsioa, “gardentasun pasiboa”** esan ohi zaiona, hartara gardentasun aktibotik bereizteko, hau da, txosten honetan aipatzen diren publizitate aktiboaren arloko betebeharrak arautzen duten horretatik.

19/2013 Legearen informazio publikoa eskuratzeko eskubidea baliatzearen inguruan ezarritako erregulazioak —2/2016 Legearen III. kapituluaren [Informazio publikoa eskuratzeko arloko printzipioak eta erreklamazio-organoak] indartua— Gasteizko Udalean eskubide hori gauzatzeko **administrazio-prozedura bat abian jartzea** ekarri zuen berekin, zein aplikazio baten bitartez modu elektronikoa baliatu baitaiteke, eta horrek aukera ematen digu legearen arabera bi hilean behin argitaratu beharrekoak diren estatistikak ateratzeko.

2020ko ekitaldian behera egin zuten eskabideek —56 informazio-eskabide izatetik 28 izatera—, baina emandako erantzunen ehunekoa % 89ra igo zen. Nolanahi ere, esan beharra dago erantzunen % 20 baino ez zirela eman epe barruan, eta, erantzun gehiago eman baziren, 2019an 14 eskabide erantzuteke geratu zirelako izan zela. Datu hori, bestalde, etengabe hazi da, eta 2020an 22 erantzun geratu ziren emateke.

Gorago aipatutako estatistikei dagokienez, bi hilean behin jasotzen dira gardentasun-atarian 2/2016 Legearen zehaztutako datuak. Datu irekien atarian ere argitaratzen dira.





2020

- Jasotako eskabideak: 28
- Eskabideak, aurkezteko moduaren arabera: aurrez aurre (14) / posta elektronikoz (0) / online (14)
- Eskatzaileen sexua: emakumeak 7 / gizonak 16 / entitateak 5
- Erabilitako hizkuntza: gaztelania (28) / euskara (0)

Erantzunen zer-nolakoak	
Emandako erantzunak	25 (% 89)
Epe barruan emandako erantzunak	5
Erantzuteko baliatutako modua	Posta arrunta: 0 / Posta elektronikoa: 24
Onetsitako eskabideak	6
Partez onetsitako eskabideak	3
Ezetsitako eskabideak eta arrazoia	0
Laburpena, gaika	Mugikortasuna eta garraioa (5), Espazio publikoa (3), Ingurumena eta iraunkortasuna (10), Aisialdia eta kultura (1), Ogasuna (2), Hirigintza - Etxebizitza (3), Osasuna eta kontsumoa (2), Prestakuntza eta enplegua (3).
Erantzuteke (urtea bukatzean)	22



Gardentasun-atarira egindako bisitak

Udalaren **gardentasun-atarian estekatuta ageri diren zenbait edukiren bisitak banakatzeko zailtasunari** dagokionez —Udalaren webguneko edukiak direlako eta ez berariaz atari horretarako egindako html-ak— aurreko txostenetan adierazitako ñabardurak gorabehera, bisiten datu nagusiak eskaintzen ditugu. Ildo horretatik, web-analisiaren esparruan lanean dihardugu Gardentasunaren eta Edukien Atalean, Udalaren eduki digitalen erabilera ustiapen zehatzagoa egiteko. Gaur egun urteko oroitidazkiak egiteko ustiatzen den informazioa herritarren eskura jarriko da 2021ean zehar, modu zuzenagoan, web-eduki espezifikoaren bitartez.

Orri nagusiak	Bisita-kopurua	Orri-ikuskapen bakarrak	Zeharka ikusitakoaren ehunekoa
Gardentasun-ataria (hasiera)	8.028	6.002	% 27,57
Udalaren webgunea	9.758.716	6.459.043	% 48,57
<i>Elkarren arteko erlazioa</i>	<i>Guztiaren % 0,08</i>	<i>Guztiaren % 0,09</i>	<i>% 43,24 gutxiago</i>

Gaikako orriak	<i>Bisita-kopurua</i>	Orri-ikuskapen bakarrak	Zeharka ikusitakoaren ehunekoa
Antolakuntza politikoa	3.391	1.882	% 18,78
Administrazio-antolakuntza	3.526	1.927	% 31,03
Ekonomiarekin eta finantzazioarekin lotutako informazioa	1.165	764	% 20,93
Herritarrekiko eta gizartearekiko harrmanak	426	320	% 13,64
<i>Udalaren webgunea</i>	<i>9.758.716</i>	<i>6.459.043</i>	<i>% 48,57</i>



Eduki-orriak	Bisita-kopurua	Orri-ikuskapen bakarrak	Zeharka ikusitako ehunekoa
Goi-karguak eta langile izendatuak	1.461	985	% 67,21
Goi-karguen ordainsariak	1.203	960	% 48,52
Udal langileak	5.378	3.907	% 48,90
Jardueren eta ondasunen erregistroa	10.010	365	% 10,45
Gai-zerrenda eta akten kontsultak (organo espezifikoko bakoitza kontsultatzeko sarrera ematen duen orria)	912	562	% 14,04
Osoko bilkuraren zuzeneko emanaldiak streamingen	2.957	2.203	% 43,88
Kontratuen, dirulaguntzen eta abarren estatistikak eta zerrendak*	491	208	% 32,26
Legealdiko plan estrategikoa	978	609	% 54,34
Agenda Gasteiztarraren kontu-ematea	186	125	% 51,06
Open data (orri nagusia)	2.888	2.086	% 34,65

Orri nagusira egindako bisiten datuek **beherakada txiki bat izan dute aurreko urteetakoekin alderatuta**, nahiz eta eutsi egin zaien webguneko datu orokorreko erlazio-ehunekoei: bisita guztien % 0,1 inguru.

Datuak biltzen dituzten gainerako orriei dagokienez, oro har, beherakadak izan dira, baina ez dago aldaketa nabarmenik, salbu eta gobernu-taldearen interes- eta ondasun-erregistroak jasotzen dituen edukian izandako igoera —% 16, 8.637 bisita izatetik 10.010 bisita izatera igaro baita— eta datu irekien atariaren orri nagusira egindako bisitetan izandako % 31ko jaitsiera —4.191tik 2.888ra—.

4.1 Bisitak, 'noradoaznirezergak' webgunera

Modu espezifikoa, noradoaznirezergak.vitoria-gasteiz.org webgunean izandako bisitei buruzko datu nagusiak eskaintzen ditugu —aurrekontuen plataforma grafikoa, CIVIO fundazioarekiko akordioari esker abian jarria, non Udalaren aurrekontuei buruzko datu irekiak ustiatzen diren—. Udalaren gainerako web-edukietan bezala, egoera sanitarioak baldintzatu zuen 2020ko ekitaldia, baina plataforma eguneratuta eduki da, datuak argitaratu ahala —gauzatzea, ordainketak, proiektuaren edukia, aurrekontu itxia eta abar—. Nolanahi ere, bisita-kopurua nabarmen jaitsi



dela erakusten dute datuek —2019an baino % 41 gutxiago; gorakada nabarmena izan zen orduan, 2018en aldean—.

	2020	2019	2018
Ikusitako orrien kopurua	3.341 (-% 40,8)	5.646 (+% 135)	2.402
Erabiltzaile-kopurua, guztira	1.005 (-% 8,3)	1.096 (+% 1.488)	69
Erabiltzaile berrien kopurua	994 (-% 9,3)	1.100 (+% 1.511)	68

2018an eta 2019an bai bisita-kopuruan bai erabiltzaileen eta erabiltzaile berrien kopuruetan izandako goranzko joera berreskuratzen ari dela ematen du; izan ere, 2021eko lehen hiruhilekoan datuek % 0,2ko igoera erakusten dute bisita-kopuruan, eta % 5 ingurukoa erabiltzaile berrien kopuruan.

Eduki guztien artean gehien bisitatu ziren hamar orrien artean, hasieraz eta ikuspegi orokorraz gain, hauek daude: glosarioa, ordainketei eta inbertsioei buruzko informazioa eta “Zure ekarpena” atala.

Eduki-orriak	Bisita-kopurua
Hasierako orria	734
Aurrekontuaren ikuspegi orokorra	378
Udal aurrekontuak, guztira	296
Zer esan nahi du?	281
Ordainketa eta inbertsioak	252
Hasierako orria	134
Zure ekarpena	112
Gizarte-zerbitzuak eta gizarte-sustapena	76
Kultura	40
Zor publikoa	38



Ondorioak

2020. urtea, koronabirusaren pandemiak ekarri dituen zirkunstantziak direla eta, **trantsizio-urtea** izan da kudeaketaren esparru askotan. Herritarrentzako informazioaren arloan, nolahi ere, areagotu egin behar izan dira ahaleginak, herritarrek egoeraren berri izan zezaten une oro, batez ere “normaltasun berria” deitu izan den aldia iritsiz geroztik. Eutsi egin zaie lehendik zeuden informazio-bideei, krisi sanitarioak eragindako hainbat egokitzapenekin, eta, webgunearen kasuan, espazio berriak sortu dira, udal kudeaketaren gardentasuna areagotzen laguntzeko. Horrela, hiria biziberritzeko ekintza-plan espezifiko bat sortu da —Orain Gasteiz Plana—, partaidetzaren ikuspegitik, kontu-ematea helburu; www.vitoria-gasteiz.org/koronabirusa informazioan birusaren bilakaerari buruzko bistaratze grafikoak gaitu dira, datuak modu argian zabalteko; informazioak, laukiak, dokumentuak eta beste landu dira, hizkera erraz eta zuzenean, gomendio sanitarioak transmititzeko; datu irekien atarian, lurralde-mugei buruzko informazio geografikoa eman da, herritarrei joan-etorriak planifikatzen laguntzeko; aplikazio berriak presatu dira herritarren arretarako hitzorduak eskatzeko edo igerilekuetan txanda erreserbatzeko... Laburbilduz, esan daiteke zirkunstantziak gorabehera erabat eutsi zaiola gobernantza- eta kudeaketa-eskema irekia, gardena, argia eta herritarrei zuzendua mantentzearen aldeko apustuari.

Nolanahi ere, txosten honetan jorratzen den arloari gagozkiolarik, funtsean egoera ez da aldatu, 2019ko ekitalditik. Aurreko ekitaldietako proiektu, tresna eta prozesuei eutsi egin zaie, berritasun handirik gabe, eta publizitate aktiboaren esparruan, berriz, 2019an antzemandako gabezia berberekin jarraitzen du Udalak. Bereziki nabarmentzekoa da 2019-2023 planaren —Agenda gasteiztarra— kontu emateko plataforma abian jarri dela —eta ia funtsezko berritasun bakarra da, egungo agintaldiko lehen ekitaldiarekin alderatuz gero—; izan ere, Gobernuaren konpromisoen betetze-mailari buruzko informazioa ematen hasi zen 2020an.

Horrela, publizitate aktiboari gagozkiolarik, **betebeharrak betetzen jarraitzen du Udalak funtsean, baina hauek falta zaizkio:**

- **Udal organoek hartutako erabakiak, zuzenbidea interpretatzea dakartenak** nahiz ondorio juridikoak dituztenak.
- **Araudiak lantzeko dossierretako oroitidazki eta txostenak**; bereziki, uztailaren 3ko 1083/2009 Errege Dekretuan araututako **eragin normatiboaren analisiaren oroitidazkia**.
- **Urteko araugintza-plana**, hurrengo urtean onesteko aurkeztuko diren arautze-ekimenak jasotzen dituen¹.

Aurreko urteetan bezala, baliteke item batzuk eguneratu gabe egotea txosten hau ixteko unean, baina aldi behin ematen den informazioa da, eta eduki orduko eguneratuko da; gorago aipa-

¹ Administrazio Publikoaren Administrazio Prozedura Erkidearen urriaren 1eko 39/2015 Legean dago jasota betebehar hori.



Ayuntamiento
de Vitoria-Gasteiz
Vitoria-Gasteizko
Udala

tutako itemei ez zaie zabalkunderik ematen, eta Udalaren Gardentasun Kontseilua izan den urte hauetan, haren irizpenetan argitaratzeko eskatu izan bada ere, ez dira argitaratu. Orobat dago eguneratu gabe udal inbentarioa; kasu honetan, ia bost urte dira ez dela eguneratzen.

Ondorio gisa, ia bere horretan errepikatuko dugu iazkoa: **maila kuantitatiboan, Udalak publizitate aktiboaren esparruan egiten duen lanak oso maila altuetan jarraitzen du** —ikus I. eranskina—, berritasun handirik gabe, eta gabeziaren batekin —hornitzaile nagusien zerrenda, esaterako—; maila kualitatiboan, berriz, azken urteetako irizpideei eusten zaie, eta etengabeko hobekuntza-prozesuan jarraitzen da, herritarrei ematen zaien informazioa hobetzeko moduak aztertuz.

Hori da jakinarazi beharreko guztia, Vitoria-Gasteizen, 2021eko apirilaren 15ean.

Gardentasunaren eta Edukien Atala
Herritarrentzako Arretaren eta Gardentasunaren Zerbitzua



I. ERANSKINA

LEGE-BETEKIZUNAK DIRELA ETA IDENTIFIKATUTAKO ITEMAK

Aurreko ekitaldietan bezala, Udalaren gardentasun-politika aktiboaren xede diren hainbat item identifikatu dira, gardentasun-politiken lege-esparruan publizitate aktiboaren nahitaezko informazioztat jotzen dena oinarritzat hartuta.

Identifikatutako itemen zerrenda ematen da ondoren:

Erakundeari, antolakuntzari eta planifikazioari buruzko informazioa

19/2013 Legearen 6. artikulua eta 2/2016 Legearen 52. artikulua arabera

Eskatutako informazioa:

1. Toki-erakundearen organoak, beharrezkoak eta osagarriak, honako hauek adierazita: beraien titularrak (osaera), eta eginkizunak.
2. Aplikagarri zaizkion arauak.
3. Organo bakoitzaren gai-zerrendak eta hartzen dituzten erabakiak.
4. Erakundearen eta haren gobernu-taldeetan ardura politiko gorena duten pertsonen buruzko informazioa, curriculumeko datuak barne.
5. Alkatearen eta zinegotzien arduraldi-araubidea.
6. Antolakuntza-egitura eguneratua: organo desberdinetako arduradunak biltzen dituen organigrama, berariaz aipatuz zuzendaritzako edo erantzukizuneko lanpostuak, lanpostu horiek betetzeko zer profil behar den eta lanpostu horiek betetzen dituztenek zer ibilbide profesional daukaten.
7. Toki-ordezkarien ondasun eta jardueren buruzko urteroko aitorpenak.
8. Behin-behinekoak diren lanpostuen zerrenda.
9. Gobernu-plana, agintaldiko plana edo jarduera-plana. Aldian-aldian, horien betetze-maila.
10. Urteko eta urte anitzeko plan eta programak (xede zehatzak, eta horiek gauzatzeko aurreikusitako jarduerak, baliabideak eta epea). Xede horien gauzatzeko-mailaren aldizkako ebaluazio eta argitalpena.
11. Udaleko alderdi politikoen buruzko informazioa.
12. Aholku-organok eta gizarte-partaidetzakoak, haien jardura eta erabakiak barne.
13. Edonolako erakunde instrumentalak, eta arduradun gorenak zein diren eta haien antolamendu-egitura zer-nolakoa den ere adierazi beharko da.
14. Toki-erakundeek argitara emango dituzte, beren web-orri instituzionalan eta informazio orokorreko gainerako medio propioetan, beren posta-helbidea, beren helbide elektronikoa eta erakundeak herritarrentzat dituen irispide orokorreko telefono-zenbakiak, eta adieraziko dituzte beren hautetsi-karguen eta zuzendaritza-karguen interakzio-moduak.



15. Halaber, ezagutzera emango da zein kanaletatik eskaintzen diren herritarren arretarako zerbitzuak eta zein kanaletatik gauzatu daitekeen herritarren parte-hartzea.

Garrantzi juridiko-normatiboko informazioa

19/2013 Legearen 7. artikulua eta 2/2016 Legearen 53. artikulua araberaz

Eskatutako informazioa:

1. Publikoak izango dira udal-organoek onartutako erabakiak, baldin eta zuzenbidea interpretatzen badute edo ondorio juridikoak badituzte.
2. Toki-erakundearen ordenantza, erregelamendu eta aurrekontuen proiektuak, berandue-nera ere, hasierako onarpena eman eta berehala argitaratuko dira. Irizpenak eskatzea nahitaezkoa denean, aholku-organoei irizpenak eskatzen zaizkienean argitaratuko dira, eta horrek ez du eragingo, nahitaez, entzunaldi publikoa ematea.
3. Arau-testuak egiteko espedienteetako memoriak eta txostenak; bereziki uztailaren 3ko 1083/2009 Errege Dekretuak araututako arau-eraginaren analisiari buruzko txostena.
4. Indarreko legeria sektorialari jarraiki, izapidetze-aldian jendaurrean jarri behar diren dokumentuak.
5. Aholku-organoen txosten edo irizpenak ere publikoak izango dira.
6. Herritarren partaidetzako prozesuaren txostena eta ondorioak, halakorik baldin badago.
7. Hasita, martxan eta bukatuta dauden partaidetzako prozesuak. Eta bereziki, prozesu horiekin lotutako txostenak.

Administrazio Publikoaren Administrazio Prozedura Erkidearen urriaren 1eko 39/2015 Legearen 132. artikulua —Arau-plangintza— araberaz

8. Urteko Araugintza Plana argitaratzen da, zeinek hurrengo urtean onesteko igorriko diren erregelamendu-ekimenak jasotzen baititu.

Informazio ekonomikoa, aurrekontuen ingurukoa eta estatistikoa

19/2013 Legearen 8. artikulua eta 2/2016 Legearen 55. eta 57. artikulua araberaz

Eskatutako informazioa:

1. Kontratu guztiak, honako hauek adierazita: xedea, iraupena, lizitazio- eta esleipen-batekoa, zein prozeduraren bidez egin den, zein bitartekoren bidez iragarri den, prozeduran parte hartu duten lizitatzailen kopurua, esleipendunaren nortasuna, eta kontratuaren aldaketak eta luzapenak. Kontratuetan atzera egiteko eta kontratuari uko egiteko erabakiak ere argitaratu egin beharko dira.
2. Kontratu txikiak hiru hilabete behin argitaratuko dira, modu agregatuan, eta argitaratzen direnetik gutxienez 12 hilabetez emango da horien berri.
3. Era berean, argitaratuko dira datu estatistikoak sektore publikoko kontratuen legedian aurreikusitako prozeduretako bakoitzaren bidez esleitutako kontratuek aurrekontuaren gainean hartzen duten ehunekoari buruz.
4. Ezarritako zigorrak, hala badagokio, kontratisten ez-betetzeengatik.



5. Sinatutako hitzarmenen zerrenda, honako hauek adierazita: sinatzaileak, xedea, iraupena, aldaketak, prestazioak eta adostutako betebeharrak ekonomikoak —halakorik baldin badago—.
6. Sinatutako kudeaketa-gomendioak ere argitaratuko dira, honako datu hauek adierazita: xedea, aurrekontua, iraupena, betebeharrak ekonomikoak eta azpikontratazioak, berariaz aipatuz esleipendunak, esleipena egiteko jarraitutako prozedura eta esleipenaren zenbatekoa.
7. Emandako dirulaguntza eta laguntza publikoak: zenbatekoa, xedea edo helburua, eta onuradunak.
8. Aurrekontuak, aurrekontu-partida nagusiak deskribatuz eta exekuzio-egoerari buruzko informazio eguneratu eta ulergarria emanez. Argitara emango dira osorik eta eguneratuta, modu erraz, argi eta grafiko batean, partida nagusiak deskribatuz eta informazio zehatza emanez beraien exekuzio-maila ezagutzeko eta ekitaldian zehar onetsitako aurrekontu-aldaketak jakiteko.
9. Aurrekontu-egonkortasunerako eta finantza-jasangarritasunerako helburuak betetzeari buruzko informazioa.
10. Argitaratu beharreko urteko kontuak, eta kanpo-kontrolako organoek horiei buruz egiten dituzten kontu-auditorien eta fiskalizazioen txostenak.
11. Honen aplikazio-eremuko entitateetako goi-kargu eta arduradun nagusiek jasotzen dituzten urteko ordainsariak. Halaber, kargua uztean jasotako kalte-ordainak ere argitaratuko dira, jaso badituzte.
12. Bateragarritasuna baimentzeko edo aitortzeko ebazpenak, langile publikoei eragiten dietenak, eta Estatuko Administrazio Orokorreko goi-karguek edo autonomia-erkidegoko edo tokiko araudien arabera horien pareko direnek kargua utzitakoan jarduera pribatuan jarduteko baimentzen dituzten ebazpenak.
13. Tokiko ordezkarien ondasun eta jardueren urteko aitorpenak, Toki Araubidearen Oinarriak arautzen dituen apirilaren 2ko 7/1985 Legean aurreikusitakoaren arabera.
14. Beren eskumeneko zerbitzu publikoen betetze-maila eta kalitatea baloratzeko beharrezko estatistika-informazioa, administrazio eskudunak xedatutakoaren arabera.
15. Hornitzaileen ordainketaren arloko berankortasunaren gaineko legeria betetzeko epeak.
16. Ondare-ondasun higiezin zerrenda —bere jabetzakoak izan nahiz haien gaineko eskubide errealen bat eduki—, eta, kasua bada, horiek laga dizkion entitatea.

Langileei buruzko informazioa

2/2016 Legearen 56. artikulua arabera

Eskatutako informazioa:

1. Publiko egingo dira enplegu publikoaren eskaintzak, zenbateraino bete diren, eta funtzionario eta lan-kontratupeko langileentzako hautaketa-prozesuak —deialdiak, eta izendapenera arteko edo kontratua sinatu arteko egintza guzti-guztiak barne—.
2. Toki-administrazioek edo beste erakunde mota batzuek emandako ikastaro eta prestakuntza-programak.



3. Sindikatu-ordezkaritzako organoak osatzen dituzten kideak eta horretarako liberatuta dauden pertsonen kopurua, berariaz aipatu beharko delarik zer ordu-kreditu duten.
4. Lanpostuen zerrendek taula sinoptiko bat jaso beharko dute, non, kategoriaren arabera ordainsari indibidualizatua jartzeaz gainera, antolamendu-tresna horren elementu garrantzitsuenak laburtuko diren.

Politika publiko lokalei eta zerbitzu-zorroari buruzko informazioa

2/2016 Legearen 54. artikulua arabera

Eskatutako informazioa:

1. Toki-erakundeek modu argi, irisgarri, ulergarri eta errazean zabalduko dute zer sartzen den herritarrei eskaintzen dieten zerbitzu-zorroan, eta berariaz zehaztuko dute zer ondasun eta prestazio eskaintzen dituen toki-erakundeak eta horien kostua zenbatekoa den, bai osotara eta bai pertsona bakoitzeko.
2. Era berean, publiko egingo dituzte zerbitzu-kartak edo pareko dokumentuak, eta, hala-korik badute, zerbitzuen kalitatea ziurtatzeko edo egiaztatuzeko prozesuak.
3. Eskaintzen den zerbitzu bakoitzari buruzko ordutegia eta ordaindu beharreko prezio publikoak edo udal-tasak zehaztu beharko dira.
4. Gainera, informazio agregatua, laburra eta argia eskainiko da honako zerbitzu hauen gainean:
 - a. Mantentzea eta obrak; segurtasun publikoa eta babes zibila; hondakinen bilketa eta tratamendua; uraren kudeaketa; kale-garbitzea; jarduera ekonomikoak eta lizentziak; hirigintza eta ingurumena; kultura eta kirola; gizarte-zerbitzuak eta gizon eta emakumeen berdintasuna.

Beste zenbait alderdi

2/2016 Legearen 58. eta 61. artikuluen arabera

Eskatutako informazioa bi artikuluen arabera:

1. Herritarrentzako interesekoa den informazioa ere argitaratuko da, ahaztu gabe betiere dagokion arautegi espezifikoak ezarritako informazio-betebeharrak.
2. Ezagutzera emango dira herritarren arretarako eta partaidetzarako zerbitzuak eskaintzeko dauden kanalak.
3. Euskal Autonomia Erkidegoko toki-erakundeek gardentasunaren atari bat sortu ahal izango dute beren egoitza elektronikoetan edo erakunde-webgunetan, herritarrek eta erakundeek titulu honetan ezarritako gardentasun-betebeharren ondorioz publikoa den informazio oro eta toki-erakundeak eman nahi duen informazio guztia eskuratzea errazteko (nahitaezkoa da 20.000 biztanletik gorako toki-erakundeetan).
4. Espazio bat prestatu beharko da herritarrek proposamenak eta iradokizunak egin ditzaten, bai eskatutako informazioari buruz, bai beren eskueran jarritako informazioari eta erabilitako formatu, programa edo lengoia informatikoei buruz. Espazio horrek, era be-



Ayuntamiento
de Vitoria-Gasteiz
Vitoria-Gasteizko
Udala

rean, aukera eman ahal izango du datuen irekitasunari eta berrerabilerari buruzko aplikazio informatikoen garapenean parte hartzeko.

5. Toki-erakundearen beraren erregelamendu bidez, gainera, informazioa herritarren artean zabaltzea eta herritarren partaidetza bultzatuko duten kanal anitzeko sistemak ezarri ahal izango dira.



II. ERANSKINA

GARDENTASUN-ATARIKO ITEMEN ZERRENDA

I. eranskinean zerrendatutako itemez gain, badira Udalaren gardentasun-atarian jasotzen diren beste informazio-unitate batzuk ere. Elementu horiek guztiak —I. eranskinekoak eta gehituak— jasotzen dira hurrengo taulan, 2020ko ekitaldiaren itxierako eguneratze-egoerarekin.

ITEMA	EGUNERATUA
Udalaren webguneko agenda	Bai
Alkatearen erakunde-agenda	Bai
Tokiko 21 Agenda, eta adierazleen bilakaera	Ez
Talde politikoei ematen zaizkien diru-kopuruak	Ez
Sindikatuiei egindako ekarpen ekonomikoak eta liberazio-orduak	Ez
Ingurumen-atlasa eta ingurumen-informazioko sistema	Bai
Udal kontuen barne eta kanpo ikuskapenak	Bai
Udal bandoak	Bai
Kontratazio-mahaiaren egutegia (gai-zerrendak eta aktak)	Bai
Gobernu-organoen bilkuren egutegia (osoko bilkurak, tokiko gobernu-batzarra...)	Bai
Partaidetza-organoen egutegia (elkarguneak, Gizarte Kontseilua...)	Bai
Udalaren kode etikoa, edo jokabide onarena	Bai
Kontratazio-mahaiaren osaera	Bai
Gobernu-organoen osaera	Bai
Partaidetza-organoen osaera	Bai
Kontratazio-mahaiaren akta eta gai-zerrenden kontsulta	Bai
Gobernu-organoen akta eta gai-zerrenden kontsulta	Bai
Partaidetza-organoen akta eta gai-zerrenden kontsulta	Bai
Dirulaguntza-deialdia	Bai
Zuzendaritza- eta administrazio-kontseiluen deialdiak	Bai
Deialdiak, deklarazioak, prentsaurrekoak eta prentsa-oharrak	Bai
Kargu hautetsiekin harremanetan jartzeko datuak (helbide elektronikoa, sare sozialak...)	Bai
Talde politikoen datuak (webgunea, sare sozialak, harremanetarako datuak)	Bai
Herritarren postontziari buruzko datu estatistikoak	Bai
Kontratuei buruzko datu estatistikoak, prozeduraren arabera	Bai
Gasteizko biztanleriari buruzko datu estatistikoak	Bai
Kargu hautetsien datu pertsonalak (izena, curriculumak)	Bai
Udalaren batez besteko ordainketa-eppei buruzko datuak	Bai
Udal dekretuak	Bai



ITEMA	EGUNERATUA
Kaleetako trafiko-dentsitatea	Bai
Udal bulegoak (helbideak, telefonoak, ordutegiak)	Bai
Udalbatzaren Idazkaritzaren zuzemenak (kalte-ordainak, bateraezintasunak)	Ez
Hauteskunde sindikalak eta langileen ordezkariak	Bai
Udalbatzaren osoko bilkurak bideoan eskaintzea eta gordetzea	Bai
Udalaren webgunearen erabilerari buruzko estatistikak	Ez
aurrekontuaren gauzatze-egoera eta plan eta programekiko erlazioa	Bai
Zerbitzuen kostuen azterketak	Ez
Azpiegitura-obra handien bilakaera	Bai
Administrazio-antolakuntzaren gida-fitxa, webgunean	Bai
Antolakuntza politikoaren gida-fitxa, webgunean	Bai
Webguneko RSS harpidetzen gida-fitxa (egutegiak, albisteak...)	Bai
Alkatearen erakunde-agendatik sortutako gastuak	Bai
Kontratuen eta horien aldaketen historikoa (kontsulta online)	Bai
Trafiko-kameren irudiak	Bai
Trafiko gorabeherak (obren eraginak)	Bai
Adierazle ekonomikoak eta aurrekontuen ingurukoak (zorra, biztanleko gastuak eta abar)	Ez
Tuvisaren lineei buruzko informazioa, denbora errealean	Bai
Udal informazioa, webgunean eta sare sozialetan (berriak, txioak...)	Bai
Wifi-sare publikoari buruzko informazioa	Bai
Espazio Publikoak kontrolatutako obrei buruzko informazioa	Bai
Aholkularitza Juridikoaren txostenak	Ez
Kontu-hartzaitza Nagusiaren txostenak (eragozpen-oharrak barne)	Bai
Udalbatzaren Idazkaritzaren txostenak	Bai
Organo Ekonomiko Administrazioaren txostenak	Ez
Aurrekontu-egonkortasunaren inguruko txostenak	Ez
Gardentasun-betebeharren betetze-mailari buruzko txostena	Ez
Udal inbentarioa (eraikinak, ibilgailuak, balio artistikoa duten ondasunak...)	Ez
Formalizatutako kontratu txikien zerrenda (zenbatekoak eta adjudikaziodunak)	Bai
Obra publikoen lizitazioetan lehiatu diren enpresen zerrenda	Bai
Obra publikoen adjudikaziodun nagusien zerrenda	Bai
Zuzendaritza-lanpostuen eta konfiantzako langileen zerrenda (izena / kargua)	Bai



ITEMA	EGUNERATUA
Kontratu guztien zerrenda (xedea, zenbatekoa, prozedura...)	Bai
Hornitzaile eta kontratista nagusien zerrenda	Ez
Lokalizazioak, km, ibilbideak..., GeoVitoria Gasteizen	Bai
www.vitoria-gasteiz.org webgunearen mapa	Bai
Udalaren enplegu-eskaintza	Bai
Ordenantza fiskalak	Bai
Udal ordenantzak	Bai
Udal organigrama orokorra	Bai
Udal organigrama, sailez sail	Bai
Udal talde politikoen orriak (webguneak, sare sozialak)	Bai
Udaltzaingoaren eta suhiltzaileen jardueraren parteak	Bai
Kontratatzailearen profila (artean adjudikatu gabeko lizitazioak)	Bai
Informazio publikora sarbidea izateko eskabideak, 9/2013 Legearen ildotik	Bai
Agintaldiko plana edota Udalaren plan estrategikoa	Bai
Udalaren dirulaguntzen plan estrategikoa	Bai
Hiri Antolamenduko Plan Orokorra (txostenak, aldaketak, mapak...)	Bai
Lurzoruaren udal plana, arauak, erabilera eta destinoa barne	Bai
Urteko eta hainbat urteko plan eta programak (plan estrategikoarekin zeri-kusia dutenak)	Bai
Aurrekontuen ataria, Nora doaz nire zergak (CIVIO)	Bai
Urteko aurrekontuak: zifrak, dokumentuak, estatistikak	Bai
Udalak sinatutako hirigintza-hitzarmenak argitaratzea	Bai
Sindikoaren gomendioak eta txostenak	Bai
Kargu hautetsien ondasunen, interesen eta jardueren erregistroa	Bai
Udal araudiak	Bai
Sinatutako hitzarmenen zerrenda	Bai
Lanpostuen zerrenda	Bai
Udalak erakundeetan dituen ordezkarien zerrenda	Bai
2019-2023 Gobernu-planaren kontu-ematea	Bai
Udalari eragiten dioten ebazpen judizialak.	Bai
Kargu hautetsien eta konfiantzako karguen ordainsariak	Ez
Egoitza elektronikoa: tramitazioa online	Bai
Udalaren ingurumen-egoera (airearen kalitatea, zarataren mapa...)	Ez
Emandako dirulaguntzak (kapitala eta arruntak)	Ez
Jasotako dirulaguntzak (kapitala eta arruntak)	Ez
Ordainsarien taula, lanpostuz lanpostu	Bai



GUZTIRA: 96 item; horietatik 17 eguneratu gabe daude. Item horietako asko prozedura-kontuen mende daude —urrekontuen eta ekonomiaren inguruko adierazleak, edo egonkortasun-txostenak, esaterako—, edo arrazoi teknikoengatik atzeratu dira —webgunearen erabilerari buruzko estatistikak, Partaidetza, Gardentasun eta Gizarte Etxeen Sailaren urteko oroitidazkian jasotzen baitira, nahiz eta horren inguruko eduki espezifiko bat egitea planteatzen den—. Bartzuk, ordea, egunera zitezkeen, eta ez dira eguneratu:

- Talde politikoek eta sindikatuek izendatuta dituzten diru-kopuruak.
- Kargu hautetsien eta konfiantzako karguen ordainsariak
- Hornitzaile eta kontratista nagusien zerrendak



Berriaz aipatzen ditugu, gainera, urdinez ageri direnak, gaur egun ez baitira Udalaren webgunean argitaratzen bi item horiek:

- Aholkularitza Juridikoaren txostenak
- Organo Ekonomiko Administratiboaren txostenak



ERANSKIN GRAFIKOA: LEGE-BETEBEHARREN BETETZE-MAILA

	Guztira	Bai		Ez
			Egiteke dauden hobekuntzak	
Erakundearekin eta antolakuntzarekin lotutako informazioa	15	14	1	1
Garrantzi juridiko-normatiboko informazioa	8	5	0	3
Informazio ekonomikoa, aurrekontuen ingurukoa eta estatistikoa	16	13	1	3
Langileei buruzko informazioa	4	4	1	0
Politika publikoei buruzko informazioa	4	4	2	0
Beste zenbait alderdi	5	5	0	0
GUZTIRA	52	45	5	7



■ Betetzen dira ■ Ez dira betetzen

I. eranskinean identifikatutako betebeharren % 86 betetzen dira. Aurreko urtekoa baino zertxobait txikiagoa da ehunekoak; izan ere, aurreko urteetan antzemandako zenbait gabezia konpondu gabe bukatu zen 2020. urtea, eta ekitaldi horretan ez ziren eguneratu lehendik zeuden zenbait item, hala nola hornitzaileen zerrenda.